

Uunga siunnersuut: Hong Kong-imi nunani tamalaani isumaqatigiisummut tunngatillugu Kalaallit Nunaanut nunamut akisussaaffeqarfimmut tunuarsimaarfeqarneq Namminersorlutik Oqartussat atorunnaarsissagaat pillugu Inatsisartut aalajangiiffigisassa
(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

Saqqummiussissut
(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

Siullermeerinnineq

Umiarsuit angisuut atorunnaartut ajoraluartumik amerlavallaat ajornartorsiutitalimmik isaterneqartarput. Nunarsuarmi umiarsuarnik isaterinerit 70 %-ii tikillugit nunani siuarsimannnginnerusuni ingerlanneqartarput, matumani avatangiisinut isumannaallisaanikkullu illersorneqarsinnaanngitsumik umiarsuarnik isaterisoqartarneranut assersuutissarpasuit takuneqartareerput. Taamaattumik Naalagaaffiit Peqatigiit Imarsiornermut kattuffiata (IMO) umiarsuarnik isumannaatsumik isaterisarnissaq pillugu Hong Kong-imi nunani tamalaani isumaqatigiissut 2009-imi akueraa.

Nunani tamalaani piumasaqaatit, Hong Kong-imi nunani tamalaani isumaqatigiisummi umiarsuarnut isaterinernek suliaqarnernut piumasaqaatigineqartut, Kalaallit Nunaata tapersissagai Naalakkersuisut kissaatigaat. Inuit avatangiisillu pitsaanerusumik illersorneqarnissaannut nunani tamalaani isumaqatigiissut qulakkeerinneqataassaaq. Taamaattumik Hong Kong-imi nunani tamalaani isumaqatigiisummut Kalaallit Nunaata tamakkiisumik peqataalerumaarnissaa Naalakkersuisut siunnersuutigaat.

Hong Kong-imi nunani tamalaani isumaqatigiissut suli atuutilingilaq. Taanna minnerpaamik nunat 15-it nunarsuarmilu niuffagiutit 40 %-iiniq pigisaqartut nunani tamalaani isumaqatigiisummut akuersinerisa kingorna ukiut marluk qaangiunneranni aatsaat atuutilersinnaammat. Maannamut taamaallaat nunat 15-it nunarsuarmi niuffagiutit 30 %-iiniq pigisaqartut nunani tamalaani isumaqatigiissut akuerisimavaat.

Nunani tamalaani isumaqatigiissutip akuerineratigut nunatut maligassiuissaagut aamma avatangiisit inoqativullu pingaarteqigigut nunarsuup sinneranut ersarissumik takutissavarput. Akisussaaqataavugut aamma taamatut akisussaaqataanissap inatsisiliornissaanut piareersimavugut.

Taamatut oqaaseqarlunga Naalakkersuisut sinnerlugit aalajangiiffigisassatut siunnersuut Inatsisartuni suliaannngortippara.